

## I ha n'e Uhr erfunge

*text&music: Mani Matter © SUISA*

I ha n'e Uhr erfunge,  
wo geng nach zwe'ne Stung, blibt schtaa  
Aha, dir gseht villicht nid ii,  
was z'praktische söu sii, dadraa.  
I wüu nech säge, es isch derwäge,  
Geng we mini Uhr blibt schtaa,  
mahnt's mi dra, dass i se ja,  
ganz allei erfunge ha,  
u de tünkt's mi i sig doch no ne ganz e gschickte Maa...

I heig ja doch e'n Uhr erfunge,  
wo geng nach zwe'ne Stung, blibt schtaa.  
Geng we mini Uhr blibt schtaa,  
mahnt's mi dra, dass i se ja,  
ganz allei erfunge ha,  
u de tünkt's mi i sig doch glich nid so ne dumme Maa...

I heig ja doch e'n Uhr erfunge,  
wo geng nach zwe'ne Stung, blibt schtaa.  
Freudig zieh'n i se de wieder uuf,  
gibere für zwe Stung der Schnuuf,  
u mir git das für zwe Stung,  
das verschtöht dir sicher guet,  
Säubschtvertroue und e früsche Muet...

Denn i ha doch e'n Uhr erfunge,  
wo geng nach zwe'ne Stung blibt schtaa.  
Zwar, si isch nid sehr präzis,  
git vii z'tüe vo früech bis spät,  
doch das schtört mi i kere Wis,  
es git mir glich das Gfüeu .....

I heig derfür e'n Uhr erfunge,  
wo geng nach zwe'ne Stung, blibt....